



REPUBLIKA E SHQIPËRISË

Këshilli i Ministrave

PROJEKT - VENDIM

Nr. 669, datë 28.09.2011.

PËR

ETIKETIMIN DHE TË DHËNAT E PËRBËRSVE PËR DETERGJENTËT¹

Në mbështetje të nenit 100 të Kushtetutës dhe të nenit 10, të ligjit nr. 10216, datë 21.01.2010 "Për detergjentët", me propozimin e Ministrit të Ekonomisë, Tregtisë dhe Energjitikës, Këshilli i Ministrave

VENDOSI:

1. Përcaktimin e të dhënave që jepen në etiketën e vendosur në paketimin për detergjentin, që bëhet i disponueshëm për konsumatorin dhe informacionin që jepet për të dhënat e përbërësve në detergjentë.
2. Në etiketën e vendosur në paketimin e detergjentit që bëhet i disponueshëm për konsumatorin jepen:
 - 2.1 Intervalet e peshës në përqindje:
 - a. më pak se 5%;
 - b. 5% deri në 15%;
 - c. 15% deri në 30%;
 - d. 30% dhe më shumë.

që përdoren për të treguar përmbajtjen e substancave përbërëse të renditura më poshtë, në qoftë se përqendrimi i tyre në detergjente është mbi 0.2% të peshës:

- a. fosfatet,

¹ Ky vendim transponon Aneksin VII të Rregullores (EC) nr. 648/2004 të Këshillit dhe Parlamentit Europian datë 31 Mars 2004 për detergjentët, Numri CELEX: 32004R0648, Fletorja Zyrtare e bashkimit Europian, Seria L nr 104, datë 08.04.2004, faqe 1-35;

- b. fosfonatet,
- c. lëndët tensioaktive anionike,
- ç. lëndët tensioaktive kationike,
- d. lëndët tensioaktive amfotere,
- dh. lëndët tensioaktive jo-jonike,
- e. agjentë zbardhues me bazë oksigjeni,
- ë. agjentë zbardhues me bazë klori,
- f. EDTA dhe kripërat e saj,
- gj. NTA (acidi nitrilotriacetik) dhe kripërat e tij,
- g. fenolet dhe fenolet e halogjenuar,
- h. paradiklorbenzeni,
- i. hidrokarburet aromatike,
- j. hidrokarburet alifatike,
- k. hidrokarburet e halogjenuar,
- ll. sapuni,
- l. zeolitet,
- m. polikarboksilatet,

2.2 Kategoritë e substancave përbërëse të mëposhtme, nëse janë të pranishme, pavarësisht nga përqendrimi i tyre:

- a. Enzimat;
- b. Dezinfektuesit;
- c. Zbardhuesit optikë;
- Ç. Parfimet.

2.3 Lëndët konservuese, nëse janë të pranishme, pavarësisht nga përqendrimi i tyre.

2.4 Substancat aromatike alergjene të listuara në pikën 11 të këtij vendimi, nëse shtohen në përqendrime mbi 0,01% të peshës.

2.5 Adresa e internetit, nga e cila mund të merret lista e përbërësve në detergjent.

3. Për detergjentet industrial, të cilët nuk bëhen të disponueshëm për konsumatorin, nuk është e nevojshme plotësimi i kërkesave të parashikuara në pikën 2, të këtij vendimi, në qoftë se informacioni i njëvlershëm me to është dhënë në pasqyrën e të dhënave teknike, të dhënave të sigurisë, ose në një mënyrë tjetër të përshtatshme.
4. Në etiketën e vendosur në paketimin e detergjentit që bëhet i disponueshëm për konsumatorin jepet edhe informacioni udhëzues mbi dozen. Paketimi i detergjentit, i destinuar për t'u përdorur si detergjentë larës përmban informacionin e mëposhtëm:
 - a. Sasitë e rekomanduara dhe/ose udhëzimet e dozimit të shprehura në mililitra ose gram të përshtatshme për një ngarkesë standarde rrobash në një makinë larëse, për

kategoritë e ujit të butë, të mesëm dhe të fortë dhe për programe larjeje me ose pa paralarje.

- b. Numrin e ngarkesave standarde në një makinë larëse, me tekstile “normalisht të ndotura”, për detergjentin që përdoret për çdo lloj tekstili, në çdo temperaturë. Numrin e ngarkesave standarde me tekstile “pak të ndotura” për detergjentët për tekstile delikate. Në të dyja rastet tekstilet mund të lahen me përmbajtjen e dhënë në paketim, duke përdorur ujë me fortësi të mesme, që i korrespondon sasisë prej 2.5 milimol CaCO_3 për litër.
- c. Kapacitetin e çdo gote dozimi, nëse shoqëron produktin, të përcaktuar në mililitra ose gram dhe shenjat që tregojnë dozën e përshtatshme të detergjentit për një ngarkesë standarde në një makinë larëse për kategoritë e ujit të butë, të mesëm dhe të fortë.

Ngarkesa standarde për makinën larëse është 4.5 kg tekstile të thata për detergjentet që përdoren për çdo lloj tekstili, në çdo temperaturë dhe 2.5 kg tekstile të thata për detergjentet për larje në temperatura të ulëta. Në qoftë se fabrikuesi nuk jep udhëzimet për kujdesin mbi tekstilet, temperaturë të ulët larjeje, fibra dhe ngjyra delikate, detergjenti do të konsiderohet, si detergjent për çdo lloj tekstili dhe temperature.

5. Fabrikuesi dhe shpërndarësi është përgjegjës për sigurimin e informacionit në etiketë në gjuhën shqipe.

6. Ndalohet paraqitja vizatimore e frutave në paketimin e detergjentëve në formë të lëngët, që bëhet i disponueshëm për konsumatorin, të cilat mund të çorientojnë atë.

7. Për detergjentët, në zbatim të pikës 4, të nenit 9, të ligjit nr.10216, datë 21.01.2010 “Për detergjentët” jepen këto të dhëna të përbërësve:

- a. Emri i detergjentit dhe i fabrikuesit;
- b. Renditja e përbërësve në rend zvogëlues sipas peshës në përqindje, si më poshtë vijojnë:

- 10% ose më shumë;
- 1% deri në 10%;
- 0.1% deri në 1%;
- më pak se 0.1%.

c. Emri i përgjithshëm kimik (IUPAC) dhe kur janë të disponueshem, emërtimi sipas INCI (Nomenclatura Ndërkombëtare për Përbërësit Kozmetik), emërtimi trivial (sipas European Pharmacopoeia) dhe numri CAS (kod ndërkombëtar me të cilën identifikohet substanca).

Përbërës konsiderohet çdo substancë kimike, me prejardhje sintetike ose natyrore, qëllimisht e përfshirë në përbërjen e një detergjenti. Papastërtitë nuk do të konsiderohen përbërës.

8. Për qëllime të këtij vendimi, një parfum, një esencë vajore, ose një agjent ngjyruës do të konsiderohen si një përbërës i vetëm dhe asnjë nga substancat që ata përmbajnë nuk renditet, me përjashtim të substancave aromatike alergjene që gjenden në listën e substancave të dhënë në pikën 11, nëse përqëndrimi total i substancës aromatike alergjene në detergjente kalon kufirin e përcaktuar në pikën 2.4, të këtij vendimi.

9. Fabrikuesit publikojnë në faqen e tyre zyrtare, të internetit pasqyrën e të dhënave të përbërësve. Emrat e përbërësve jepen sipas INCI, emërtimit trivial ose kur kjo emërtim nuk janë të disponueshëm, përdoret emri sipas IUPAC. Për një parfum përdoret fjala “parfum” dhe për një agjent ngjyruës, fjala “ngjyruës”. Nuk publikohen në faqen zyrtare të internetit të dhënave të përbërësve të mëposhtme:

- a. Informacionin mbi kufijtë e peshës në përqindje;
- b. Numrat CAS;

Hyrja në faqen e internetit duhet të jetë e lirë dhe përmbajtja e saj duhet të përditësohet.

10. Kërkesat e parashikuara në pikën 9, nuk zbatohen për detergjentet industriale, që përmbajnë lëndë tensioaktive, ose mbi lëndët tensioaktive për detergjente industriale, për të cilat ekziston një pasqyrë e të dhënave teknike ose një pasqyrë e të dhënave të sigurisë.

11. Lista e alergjenteve aromatike përfshin këto substanca:

Amil cinamal (CAS No 122-40-7)
Alkol benzilik (CAS No 100-51-6)
Alkol cinamilik (CAS No 104-54-1)
Cital (CAS No 5392-40-5)
Eugenol (CAS No 97-53-0)
Hidroksi-citronelal (CAS No 107-75-5)
Izoegenol (CAS No 97-54-1)
Alkol amilcin-namil (CAS No 101-85-9)
Salicilat benzili (CAS No 118-58-1)
Cinamal (CAS No 104-55-2)
Kumarin (CAS No 91-64-5)
Geraniol (CAS No 106-24-1)
Hidroksi-metilpentilcikloheksenkarboksialdehid (CAS No 31906-04-4)
Alkol anizilik (CAS No 105-13-5)
Cinamat benzili (CAS No 103-41-3)
Farnesol (CAS No 4602-84-0)
2-(4-terc-butilbenzen) propioaldehid (CAS No 80-54-6)
Linalol (CAS No 78-70-6)
Benzoat benzili (CAS No 120-51-4)
Citronelol (CAS No 106-22-9)
Hekzil cinam-aldehid (CAS No 101-86-0)
d-Limonen (CAS No 5989-27-5)

Metil heptin karbonat (CAS No 111-12-6)

3-metil-4-(2,6,6-tri-metil-2-cikloheksen-1-il)-3-buten-2-one (CAS No 127-51-5)

Myshk lisi dhe ekstrakt myshqesh peme (CAS No 90028-68-55)

Ekstrakte te myshqeve te pemeve (CAS No 90028-67-4)

Ky vendim hyn ne fuqi 15 dite pas botimit ne Fletoren Zyrtare.

KRYEMINISTRI

SALI BERISHA